


657

АЛЕКСАНДР МАЛЬЦЕВ
ЖЕЛІЛУН
КЫВБУРЪЯС

Александр Мальцев
Меліюн
КЫВБУРЪЯС



КОМИ КНИЖНОЎ ИЗДАТЕЛЬСТВО
СЫКТЫВКАР 1969

Александр Михайлович Мальцев чужліс 1924 воын Сыктыв районса Вотча сиктын. Велөдчис сиктса школаын, сэсса помалис Сыктывкарса фельдшерско-акушерскöй школа. Великöй Отечественнöй война лунъясö оружиеөн киын дорйис миянлысь Рöдинанымöс. Боевöй туйыс том сöветскöй офицерлөн помасис Венаын.

Кывбуръяс гижны заводитис сёронкодъ, но медводдза йöзöдöм гижöдъясас нин тыдовтчис олöм вылö сюсь видзöдласыс, олöмын вöвлöмторъяссö мичаа серпасавны кужöмыс, мортлысь чувствояссö да думъяссö ас ног сетны сяммöмыс. Поэт кöсйö, мед чужан пармаыс, войвывса войтырыс век вöліны «уджын — ышöдысь тöлөн, шойччиг — ыркöдысь ёльöн».

«Мелілун»— Александр Мальцевлөн медводдза книжка.

НЮММУНИС МЕН

Юж туй вылын кыкөн
Турун доддын ми.
Көдзыд! Лолөс пыкө,
Турдiс кок и ки.

Эзысь прөшвиалөм
Вой төв тэнсьыд юр,
Чужөмбаныд алөй,
Додным сьылө — дзур...

Турун чиръяс тэнө
Окалөны сэн.
Босьтө завидь менө:
Сидз кө эськө мен!

Синъяс тэнад — тыяс,
Тырыс зарни гыч.
Кызди сьөлөм, кияс
Тэнсьыд корны, кызд?

Нюммунис мен нылыс,
Сьөлөм — быттьө тар..
Шөштак пышйис ылө,
Ывла вылын — жар.

1961

КӨН ТЭ!

Еджыд биён видз вылыс
Ыпъялө войбыд.
Уна мойд тэн вичмыліс,
Муса арся рыт.

Мунысь дзодзөг-юсьяслөн
Сьылём шыыс нор.
Шудыс меным усяс-ө?
Көн тэ, мелі ёрт?

Мыйлакө век чайтысьсьө:
Ывла вылас — май.
Мийö эгö аддзысьсьө...
Көн тэ? Шыась вай!

1962

■ ■ ■
Ачымӧс ме эг на аддзы,
Кутшӧм гӧлӧс сетны.
Туйтӧ корсиг мунан надзӧн,
Медым стӧча петны.

Гашкӧ, мӧвпъяс сыланкывйӧн
Юркнитасны эрдас,
Шымыртасны вына сывйӧн
Войтырсӧ ас бердас?

Гашкӧ-й, ӧзъясны ыб весьтын
Чуксалана биӧн?..

Сӧмын тӧда: сьӧлӧм висьтӧн
Йӧзлы бур ме сиа;

Сӧмын тӧда: сийӧс быдтан,
Мый тэ сяммин кӧдзны.
Йӧзлы бурлун менам кыптӧ,
Сьӧлӧм шӧрӧ сӧдзӧ.

1962



Зарни бурысьыс шобді мулөн
Гызьё-юкласьё лун төв улын.
Вундө-ветлөдлө выль комбайн сэн,
Пуктө йёз уджө ассьыс пайсё.
А комбайнерыс том ныв сэтөн,
Вежны майбырөс вежой петө
Гашкө, вынтөм ме, ог куж либө?
Весиг жаляддза оз на сибөд.
Рытнас шмонитө: «Эк тэ, зонмой!
Он төд өтитор — сьөлөм доймөм»...
Чөвлы, ныланой, гашкө, во мысыт
Ним мем сетасны агрономлысь.
Сэки өтвылысь кутам көдзны —
Зарни моресө татөн вөчны.
Уджыс шымыртас өти сывйөн,
Гашкө, шуан сэк мелі кывйөн:
«Ме өд кольөм во дури... сідзи,
Муслун сьөлөмын тэныд видзи».
...Зарни бурысьыс шобді мулөн
Мед жө копрасьё лун төв улын.

1962

МОРЕ ДА МУ

Скөр мореыс шызьӧдіс ставсӧ:
Лёк гӧлӧсӧн мурзӧ да авзӧ,
Пыр усьласьӧ пӧтлытӧм зверӧн
Да гыяснас апйӧдлӧ берег,
Но йирнысӧ оз вермы мусӧ —
И выныс и лёклуныс кусӧ.

1962



(Г. Гейнеысь)

Сьӧлӧм, сьӧлӧм, шыбит шогтӧ,
Вунӧд сійӧс, морӧн лый:
Бара тулыс татчӧ локтӧ,
Вайӧ, тӧлыс босьтліс мый.

Мыйта радейтаныс лоӧ!
Пуксяс мирас мича лӧнь.
Сэк, мый сьӧлӧм вылад воӧ,
Бӧрйытӧг тэ радейт скӧны!

1962

■ ■ ■

Видзёда Из вылө. Мөвпъясөн тыр.
Ог төд ме, сулалі регыд-ө, дыр.
Изйыслы, тыдалө, уна сюрс нэм:
Быд бокин кадыслөн кырымпас эм.

Бушковъяс гудйёмны, кыт вөлөм рыж,
Шерыс тан чегъявлөм ассьыс ёсь гыж.
Ортсысө, пытшкөссө, увдор и юр
Видлав көть — лишнөйыс нинөм оз сюр.

Сулалө. Ывлалы водзсасыны дась.
Кадыслы сійөс не путкыльтны тась.
Кадыс и войтырсө пыркөдө пыр,
Мед лоө олөмыс мичлунөн тыр.

1962

■ ■ ■
Ывлаыс лысваён мыссьö,
Сынасьö рытив-лун төлөн,
Кустьяслань войся ру кыссьö,
Му вылас ва бусён сөлö.

Видзöда садьмöмсö мулысь,
Лолала чöскыд, сөдз дуксö...
Кызь öтик во нин быд тулыс
Трактор руль сайö ме пукся.

Пукся, и дум вылö усьö,
Танкын кыз ветывлі бойö:
Эгö сэк лелькуйтöй мусö,
Шобділысь кöйдыс эг койö.

«Бур кадыс бур уджысь кысьö»,—
Тадз талун вашкөдö сьөлөм...
Асылыс лысваён мыссьö,
Сынасьö рытив-лун төлөн.

1962

Лөнь сук раскын гөгрөс ты,
Олөны сэн гычьяс.
Лапкор-діяс костөдыс
Некод сэн оз мыччась.

Лөня-лөня-олөны
Шоньд нюйтыс пытшкын,
Шонді гожйысь полөны,
Бергөдчөны мышкөн.

Тані — вой да рудөб лун,
Ставыс унзіль сывйын...
Татшөминад сын оз сун,
Лучшө пырас тывйө!

1962

РҮДИНА-МУЛЫ

Тэнад пиыд и быдмис, и ёнмис,
Сылы дзескыд нин пось морос дінад.
Помтём космосо мөдіс кө зонмыс,
Эн нин кут сійос лелькуйтысь кинад.

Со тай кыпөдчис вылө — тэ весьтө,
Ыджыд төждысьём казяліс синсьыд.
Сійос чуксалө, кызди невеста,
Ылыс мирыс и кыскө мам дінсьыс.

Кыз нө мөд ногыс? Ачyd өд сетін
Вежөр-кужанлун бордъяссө сылы.
Лыдтём кодзувъяс кытшө кө петіс,
Сідзкө-й тэ кутан нимавны ылын.

Сэні пось кывъяс тэ йылысь шуас,
Мирсө шензьөдас муртавтём сямөн.
Кутшөм кодзулөдз туйыс көть нуас,
Сылы век лоан медмуса мамөн.

1962

МУЗА

Менам съөлөмын би оз нин чусав,
Көт и уль руыс вөвлі сэн тыр.
Кутшөм мустөм тэ, Муза, и муса!
Ёра, чуксала, радейта пыр.

Олөм веркөсті шлывгыныс эськө
Сямми сідз жө, кыз ю вывті кер,
Эн кө воськовтө меланьө веськөд,
Эн кө ликты мен дзоридза эрд.

Кор лөз ывлаас гуляйтны пета,
Дзик выль син-пель тэ вичмөдан мен:
Мирыс сывкнитас сюрс рөма цветон,
Мыла гөлөсьяс чужасны сэн.

Чужан мулысь став пульсьяссө кыла,
Кыла вөр-валысь помасьтөм мойд...
Шуин: «Мыйта бур койдыс му вылас!
Войтыр съөлөмас найөс тэ кой».

Койны... Кымынысь желлясьлас съөлөм,
Пөсьөн ойдлан и воштылан ун,
Сотчан бион и йирмөга төлөн,
Сөмын, петін кө туй вылас,— мун!

Муза! Кутшөм тэ мустөм и... муса!
Ёра, чуксала, радейта пыр...
Менам съөлөмын би оз нин чусав,
Сійө абу нин уль руон тыр.

1963

ЛАЧА

Мен лача югөръяснас индө,
Кысь корсьны мортлысь шуд,
И вашкө:—Тэ өмөй нө синтөм,
Тэн өмөй ставыс руд?

Ог эскы,— шуө,— ме ог эскы,
Оз вермы лоны сідз,
Мый дзормөм мирас тэныд дзескыд,
Мый мича мөвп он видз.

Ок, югөр, сөстөм югөр-лача!
Тадз вөйпсьыны оз ков.
Ме уна-унатор тась аддза,
И биөн ыпйө лов.

Мед тайө би пытшкас ме сотча,
А норасьны ог кут.
Тэ — мекөд орчча, мекөд орчча,
И тайө — мортлөн шуд!

1963

■ ■ ■
Эг төдлы өнөдз сьолөм дойөс,—
Ме ачымөс ог пөръяв, ог,—
Но өнi кодкө лолөс сөйө,
Эм бытьё көнкө вөчтөм мог.

Ме петі Сыктыв бердса лөзас
И ветлі кыр йывтіыс дыр,
И аддзи: кыз пу кыө көса,
А енэж — кодзувьясөн тыр.

Ме ляскыси веж кыз пу бердас..
«Эн,— шуө,— өтнад ветлы, эн:
Кор шебрас увсьыд кыскө эрдыс,
Быть колө муса ёрт сэк тэн».

1963

МЕ БАРА ГОРТЫН

Ме шойчча öнi гортын,
Лöз Сыктыв бердса сиктын.
И бара, кызди коркö,
Пöсь сьöлөмөс ог сиптыв.

А сийö юö мичсö
Лöз синма тыяс бердын,
И окалö веж видзсö
Да сьылö лөньюм эрдлы.

Ме ветла горт дор вөрөд
И киася быд пукөд.
И муслунлысь выль гөрөд
Сэн гөрддзала ас мукөд.

Ак, войвыв, муса дзоридз!
Он ёр тэ рөмнад синмөс,—
Мед көдзыдыс тэ дорөдз
Оз кисö некор инмөд.

А вунөдам мөй, сьöлөм,
Кызд садьмөдлывліс колип,
Кызд ветлывлім ю пөлөн
Да кыа костьяс коллим?

Мед мичлун менам мулөн
Оз чуймөд воысь мортөс,
А менам сьöлөм кулө,
Ас му оз ло кö гортөн.

1963

■ ■ ■

Му шебрасис лӧз сӧстӧм войӧн,
И ланьтис льӧм пу дука нӧрыс.
Ю весьтӧ руыс кыз руд нойӧн,
Со, вольсасьӧма. Пемдӧм вӧрыс.

Ме муна. Кымын во нин мышкын?
А водзын — югид, кыздз он тэрмась?
Нач сьлӧн олӧм абу лышкыд,
Код некор сы вӧсна эз вермась.

Ми биӧн сьвдӧм сынӧд пытшти
Ас тшӧтшъяяскӧд мунім сылань,
И ӧнӧдз асланым вом пытшкысь
Ми чужан мулысь кӧрсӧ кылам.

Яр биӧн ыпйысь вой пыр келім,
Сӧдз асывлань пыр кыссим-петім.
Кӧть кадыс эз на ло зэв мелі,
Но сійӧс венім — вермӧм шедіс.

Эз прӧста овны миян кияс,
Эг бобувъяс моз ветлӧ ыбті.
Быд синмын ыджыд радлун миян:
Ӧд олӧм кыптӧ, ӧдйӧ кыптӧ!

1963

Копыртчөма кыддзыс — видзөдчө
Арся көдзыд ваас;
Вушйөм сарапансьыс личөдчө:
Тулыс вильёс ваяс.

Ышлолалө кыддзыс гусьөник:
«Муса сьылысь кайяс!
Көні найө өні узьөны,
Шань-ө саридз сайыс?»

1963

■ ■ ■
Пыр өтмоза зэрö и зэрö —
Руд енэжыс пасьтала рыж.
Ми асывсянь картофель керам,
И быдөнлөн руасьö мыш.

А рытьядор, пöтiм кор уджөн,
Друг ывлаыс лои зэв рам,
И лун төв мен малыштіс чужöм,
Сідз, бытьёкö малыштіс мам.

1962

ТЭ — МЕНАМ АСЫВ

Вөлі дойдалысь вензьём
Лов да вежөрöй костын.
Кыдзи асыв, тэ менсьым
Шогöс пальöдін, косьтін;

Сетін колиплысь сьылём,
Лолöс пальöдысь лысва,—
Вөлись нюммуніс сьөлём,
Вөлись серавны лысьта.

Мем тэ асылөн вөлін,
Сійөн нэм кежлө колян,
Уджын — ышöдысь төлөн,
Шойччиг — ыркöдысь ёльөн.

1963

ЫДЪЯСЬӨМ

Шабді дзоридз кодь синъясад тэнад
Шоглөн вуджөрысь друг лои пемыд.
Мекөд орччөн кор, гажтөмчан кодысь,
Выль ним сьөлөмад эз-ө нин поздысь?

Здук... и меліа ме вылө бара
Важ моз видзөдан шондіысь жара.
Сэні — радейтөм. Важсьыс на уна!
Сөмын... бара мөй рөмдылас луныс?!

1963



Лӧз енэжыслӧн муртавлытӧм пыдӧс,
И алӧй вӧнь.
Ак, кутшӧм муса ыркыд гожся рытыс
И кутшӧм лӧнь!

Со, кодкӧ вуджӧртіс дзор сад йӧр бокті...
«Вай петав, ныв»...
Кӧть дзик нин ӧшинь улӧ сійӧ локтіс,
Кок шы оз кыв.

И сэтшӧм вына чӧскыд дука рытыс!
И..., шлывгӧ вой.
Лӧз енэжыслӧн муртавлытӧм пыдӧс.
Му вылас — мойд...

1963

■ ■ ■
Ак, радейтö, радейтö шондiсö дзоридз:
Сöдз синваöн асывсö виччысьö пыр,
Лöз енэжас видзöдö рйтъяснас сёрöдз,
Скөнъ медбөръя югöрыс кытчöдз оз быр.

О, радейтöм, радейтöм,—
Морт нимöс шонтысь,
Тэ кусан кö, кусас и кöдзалас лов.
Сидз:
Битöгыс пачыс, кöть пес эм, оз ломтысь;
Сидз:
Сынöдтöг весиг и кельчи оз ов.

1963

ЁРТЛЫ

Пессьö кö томлуныд тэнад,
Сьёлöмад дзордзалö пыр,
Олёмлысь пыксьёмсö венан,
Шог шөрö нинём оз пырт.

Олём кöть пужъявлас коркö,
Копыртны юртö оз ков:
Чужин кö Му вылас мортөн,
Морт моз и вермась и ов!

1961

НӨШТА ВЫН ЭМ

Капитал мед пиньсö йирö.
Сотны мусö кöсйö.
Нөшта вын эм тайö мирас,
Коді мөд ног öзйö.

Оз лэдз дзулөдчыны биөн,
Могыс сьлөн ясыд —
Шогсö дзикөдз вөтлас сійö
Войтыр сьөлөмъясысь.

Сійö быдлаын дзик олө:
Мортын, муын, цветын;
Мирын, кытчö көть он волы,
Аддзан сылысь петас.

Сійөс аддзан бур морт ордысь,
Паськыд ывла вылысь,
Став бур йөзыс паськыд ордым
Аддзö талун сылысь.

1962

ВЫЛЬ ВОСЯ МОЙД

Кодзув дзирдъяссö Выхь вося войыс
Ыджыд кöш тырöн öшиньö койö.

Петам, донай, дзирд шöрас сувтам,—
Татшöм здукыслöн казътывлöм кувтöм:

Войыс ловнымöс йитас и топöдас,
И, он кöсий кöть, тöдлытöг окöдас,

Кутас Выхь волысь медводдза шыяс
И сьöд син лысьяс помад тэн кыас

Медся кокныд да медмича прöшви,
Медым ёнджыка тэнö ме ошки.

Сэк ме сывйышта тэнö и нуа
Локтан воясья мойд сяма муö.

1964

ПЕЛЫСЬ

Пелысь пуӧй, висьмин мӧй:
Мый нӧ сэтшӧм гажтӧм?
Розъяс тэнад кисьмӧны,
Ывла — пӧся вашкӧ.

Гашкӧ, полан тӧвсьыс да —
Тӧлыс вель на ылын.
Коръястӧ кӧть тӧвзьӧдас,
Шоныд эшкын сылӧн.

Вочавидзис пелысьыс:
— Абу сыысь шогыс:
Уна таті ветлысьыс,
Некодлы ог шогмы.

Аддзан, менам розъясыс
Оз тусь кодь жӧ гӧрдӧсь,
Сӧмын чуман дозъясас
Оз вотны, кӧть бӧрддзы.

Олӧм-вылӧм — быдмӧмысь
Мый нӧ, сідзкӧ, меным?
Ковтӧмджык ме быдӧнысь,
Весиг пув, со, венӧм!

— Дугды, пелысь, норасьны —
Быд вотӧслы кад эм:

Ар помнас коть корсясны,
Вотасны зэв рада.

Немла коръяс тірөдны —
Сійө тэд оз лөсяв.
Төвнас тэнө пирөгөн
Казьтыштамө пөся.

Тэ йылысь ми сыыламө
Важся-важся сыылөм:
Тэ өд — мичлун ывлалөн,
Тэ өд — радлун сылөн.

1968

МИ МУЯС ВЫЛӨ ПЕТИМ

Кор биа тувсө сатшкис муас чард,
Кыз быттьө шуис:
«Гөрны-көдзны кад!»—
Сикт весьтө сизим визя мегыр сувтис;
Ми муяс вылө петім мегыр увті,
И шонді петіс. Сувтис мян костө:
Бригадаад, пө, войтыр, менө босьтө!

1964

АР ПОМ

Ягыс тіраліс да мурзіс,—
Вой төв сійөс кынтіс-швичөдіс;
Асьявылыс ягыс быттьө бурдіс,
Помтөм дойсьыс мыйкө личөдіс;
Тайө — ягсө вужъяс бердөдыс
Еджыд гөнөн Төлыс шебрөдіс.

1964

■ ■ ■

Муртса воём мян югыд томлунлы
Вичмис ловтö пычкысь из-война.
Но и сэки сьёлөмъяс эг томнавлөй,—
Вөліны пыр восьса жан.

Радейтөмтö коді вермас муртавы?
Сы ыжда жö лөглун вөлі стöч.
Мича думъяс ковмыліс кöть сюркнявы,
Ковмыліс, дерт,—нем он вöч,—

Но ми на вöсна Победаланыыс муркөдім,
Медым пöртны олөмө быд дум:
Эз вөв этша нель во чөжөн чукөртөм.
И ни öти öнөдз на эз вун!

1965



Югыд войяса гожомлөн мичлун
Мелі рөмъяснас век менө бурөдө,—
Кыдз нө сьөлөмыд шогсьыс оз личмун,
Кодыр му вылыс дзоридза турөбын?!

1965

ГОЖСЯ ВОЙӦ

Войнас тӧлыс эз ланьт —
Бисӧ бипурсьыс йӧткӧ...
Билӧн пессьӧмыс шань:
Бытьӧ кыр йылас йӧктӧ
Мырд виж платтьӧа ань.

Йӧктас мед, мый нӧ мем,
Менам йӧктыссис, вокан:
Лолын биыс кӧть эм,
Лежнӧг дзоридз ог окав,
Эг кӧ чег сылысь ем.

Повны понді ме, дерт,—
Мыжыс тэ вылын, Зоя!
Тэнӧ нылыштис эрд...
Войяс колисны, вояс...
Доя век сьӧлӧм берд.

Тӧлыс век на оз ланьт —
Бисӧ бипурсьыс йӧткӧ,
Билӧн пессьӧмыс шань:
Бытьӧ кыр йылас йӧктӧ
Мырд виж платтьӧа ань.

1968

СОТЫСЬ РАДЕЙТӨМ

Рыт өвтө, өвтө өмидз чышъяннас.

Ак, татшөм чышъянсө кө тэд!

Ме тайө мөвпсыыс ог куж пышйыныс,

Дась мунны, кульны енэж берд.

Но тан нин тэ, и сьөлөм нормыштө —

Өд мян костын дас нель ар!

А кыла: «Полі, мый ме сёрмышта,

Да петіс паныд Сыктывкар».

Ми шудаось, ми вывті шудаось.

А, гашкө, тайө зарни мойд?

Но быд субөта локтан Слудаысь,

Оз повзьөд тэнө туй, ни вой.

А ме өд мыжа: овлө — вежөкта.

И кымын вой, и кымын во

Пыр зіля радейтөмтө вежөртны:

Мый вөсна мелі биын лов?

Войнаөн босьтөм томлун «водзөссө»

Тэ сьөлөмсяньыд видзтан мен,

И, со, ме томма, томма вочасөн —

Өд радейтөмтө нем оз вен:

И сывдас йи, и из креж пазалас,

И кадсө бергөдлас, — оз нюкрась, кызди бадь.

Но асывнас ме бара казяла,

Мый еджыд биөн сотчөм

Нөшта өти юрси прать.

КУЗНЕЧ

Водзджык нин, со, лунъяс пемдöны,
Сырчикъяс көть эз на мунны.
Петыр корсьö: эз-ö эндыны,
Эз-ö дортöмторъяс вунны?

Восьса кузнечалөн вомыс,
Биа öгыра на горн...
Көть и локтис лунлөн помыс,
Дорччынытö абу сёр.

«Пöрысьман да лоан ньöжмыд,
Сійö-й кадыс муртсышт пыр.
И он вермы сійöс чöжны —
Уджыс юр вывтійд пыр».

Тадзи мөвпыштис, а юрас
Выль дум сөдзö — мог оз быр:
Уджач
вöчöмнас оз бурась,
Медбурторйыс — водзын пыр.

1965

■ ■ ■

Овлö: мөвпышттöг бурсиам мийö,
Кодкöд янсалам кутшöмкö здукö,
Кöть и тöдам, мый питшöгас сийö
Заптöм йöзыслы из,
Либö лолыс сись дука.

Мыйла сідзи? — ме воча кыв корся, —
Оз на тэ вылö элясь — и сöмын?
Гашкö, керкаыд грездад меддорса?
Сыкöд öтпырйö быдмин и сөвмин?

Чайта, ставыс дзик пöръясьöм тайö;
Чайта, веськодълун смилитлис коркö.
Чужö горöдöм, горш помöдз кайö:
Видзты бурсиöм тэ,
Мортыс Морт кö!

1965



Мир туй бокас век на
Шогсьö öтка нинпу.
Сы дінö ме ветла,
Менам лолöй — интöм.

Нинпуыс оз вуграв.
— Чолöм, ангел пуöй *,
Мийö тэкöд — другъяс,
Шуднымöс эг суöй:

Тэ — туй бокас öтка,
А ме öтка сиктас.
Мый нö вöчан, мöд кө
Шудлысь öдзöс сиптис?

Эзысь везöсь ывла
Шöйöвошöм вичтö.
Вай жö, муса нывлы
Сыылам — гөлöс видзтöг.

Сыланкывйыс тыртіс
Менсьым лолöс чукийөн,—
Мед жö сійö тырмас
Шогсьысьяслы юкмөн.

1968

* Ангел пуөн Сыктыв вожын шуоны нинпуос.

МЕ МӨЙ МЫЖА!

Мыйла видчан, мыйла вежөктан,—
Ме мөй сыысь мыжа, ме мөй:
Коркө ывла — паськыд, вежөстөм —
Смилитлөма менө.

Шебрас увсянь первой лучыслысь
Пырөм шысö кодыр кыла,
Паныд воськовтöмысь кутчысьныс
Нем оз отсав, нылöй.

Төдан кутшөм ягыс асывнас,
(Кысь нö тэныд — тэ өд карысь!)
Вевъялөм кор кырымпасавныс
Зарни киөн арыс?

Уна сикас рөма мольясөн
Баситчöны кызьяс-козьяс,
Еджыд яг выв — прöшви вольöса,
«Өгралö» пув розйыс.

Усьөм коръяс увсянь ельдöгыс
(Ак, тэ сё мокасьтöй — тшакöй!)
Рысь кодь яйнас менө дэльöдныс
Паныд петö тшапа!

Кыскымöныд ягыс козьналас
Мый тэд воас сьөлөм вылө...

...Кутшӧм долыд гортад восьлавныс,
Лолад радлун кылӧ.

Немла вежӧктыны, видчыны:
Ме мӧй сыысь мыжа, кодыр
Тайӧ радейтчӧмсӧ вичтӧма
Меным коми котыр?!

1968

■ ■ ■
Сэтшөм здукö, кор ставыс тэд веськодь,
Весиг, мый вöчö тэ гөгөр войтыр,
Чайтан: олөмсö водзлань он веськөд,
И скöнь мустөммис, мый вöли вöйдөр.

Сэки матыстчас тэ динö Райда,—
Орчөн век сійö, оз ков тай корсьысьны,—
Вөтлас шогтö и шоныдлун пайдас,
Чикыш-дзирдьяс мед синьясад ворсісны.

И сэк ылісянь матыстчысь сьылөм
Важся эскөмтö садьмөдас меліа:
Бара долыда дiпнитас сьөлөм,
Бара кага моз серавны велалан!

1967

Эн горзы, поэт, эн тэ горзы:
И вашкөдөм кыласны йөзыс,
Кор синъясад Талуныс ворсө
Да лолыд кө Аскиөн өзйис.

1966

■ ■ ■
Петалам, пальодчам,— мыладжык сыылам,
Лунтырся мудзнымос мичлунас сотамо.
Раскыс, со, вашкодчө... Ветлам вай сылань:
Нөрөвтчөм шонді сэн, быттьокө потанын.

Гусьоник кыйодам зарниа рассө,
Вежортам сийос, мый мичлунас сайласьө,
Гашкө, и аддзылам медмелі пассө,
Мый сайын ывлаыс дзеблалө тайнасө.

Уджнымө мичлуныс пырө зэв ньөжйөн.
(Мыйлакө сыысь ми өнөдз на яндысям!)
Сийос со, ывлаыс быдласянь вөзйө,
Сідзкө, вай збойджыка мичлуннас пайдысям!

Сэк, чайта, шудаөн лоө йөз котыр,
Лөглун да лөк завидь олөмам кусө кө,
Торйөдны позьтөмөн лооны кодыр
Долыдлун,
 дзоридз
 да музыка!

1968

СЬӨЛӨМӨН КЫВЗА И ЗІЛЯ

Сьөлөмөн кывза и зіля, мый кыла,
Вуджөдны чужан кыв ыло,
Мед эськө йөзыслы — мелі да мыла —
Век вөлі мусаөн сьылөм.

Кодлыськө, гашкө, и зільлунсө содтас,
Кодөскө бурөдас сійө,
Ёнмөдас йитөдсө гозьяныс костас,
Чишкалас лёклунсө биён,

Нормөдас сьөлөмсө нывкалысь рытын,
Петкөдлас мичлунсө йөзлысь,
Бурлунсө садьмөдас, узьө кө пыдын,—
Унджыксө ме ог и көсийсь.

Прөста не овны мед чужан му ылын,
Мыйкө мед вөчны век сылы,
Сьөлөмөн кывза и зіля, мый кыла,
Вуджөдны чой-вок кыв ыло.

1966

ЛЕНА

Кильчө помас пукаліс
Вой шөр бөрөдз Лена,
Шогла сьолөм юкаліс..
«Мый нө артмө менам?

Мый нө мекөд лоома,
Кыдзи лоис-вөчсис:
Көсйи карын олөмөс
Панны,— мөдар өддзи...

Мый нө эськө мөдарө?
Гашкө, сідз и колө..
Чужан сиктысь мөдамө
Корсьны долыд олөм...

Лыддян, кывзан, видзөдан,—
Ставыс быттьө прөстө,—
Но вот лоны ичөтөн
Некод огө көсйө.

Ичөт... ыджыд... Кутшөми
Найө костын бор эм?
Өти олөм путшкамө,
Өти олөм дорам».

Меліа зэв видзөдліс
Мөдлапөвлань Лена.

«Коркө вөлім ичөтөө,
Вотчывлімө сэні.

Вотлім оз да өмидз,
Вотлім чөдлач, сэтөр...
Налөн дукыс өнөдз
Чуньяс помысь петө»...

Лена сувтіс. Нюммуніс.
Со и шогыс ямис.
«Кымын гажа лун муніс
Сыктыв бердас тані!

Пышъя кө ме сиктысь
Корсьны чача-луньяс,
Өдзөссө мед сиптас
Шудыс,
гажыс — вунасі!»

...Алөй борднас чышкыштіс
Войсө асья кыа,
Восьтіс нывлы лышкыда
Сывсө мыла шыён.

1969

ЮСЬЯС

Ёнтысь бордъяснас муртса нин ёвтіг
Кык юсь лэбзисны лунвылө. Налы
Шуштөм кольччыны матыстчысь төвкөд –
Сійө вевттялас веркөссө валысь.

Бөрө коли, со, Эжвалөн вөнъыс,
Важся шойччывланіныс, со, матын.
Тылөн юсьяссө повзьөдлө лөнъыс,
Сөмын... шойччыны, шойччыны! Татөн!

Айыс уськөдчис шыльквидзысь тыө,
Көні чусмыштөм кодзувъяс ворсөны...
Кынмөм веркөсыс муртса эз ылөд,
Чуть эз тангыссъы лым еджыд морөсөн.

Вывлань, мый вермис, выныштчис сійө,
Эньсө ас бөрсъыс чуксаліг, качис.
Яйсө мудзөмыс сотіс көть биөн,
Водзлань лэбзыны вынійөрсө аддзис.

Найө лэбисны, кык сөстөм кодзув,
Чужаніныслы радейтөм сьылісны.
Уна верст на көть лэбачьяс водзын,
Тувсов шыяс нин сьылөмсъыс кылісны.

1966

ТЭ МУНИН

Тэ шуин: сиктын овны гажтөм.
И вунөдін, мый вашкөдліс том рас.
Ме аддзи — йитөд мян чаждө,
Да он вөч тас.

Эг шыбитчы ме төдса йирө,
Эг вунөд весиг «ассьынымлысь» видз:
Мед дойыс сьөлөм пытшкөс йирө,
Лөк дум ог видз.

Ог төд ме: мыйөн сиктыс мустөм?
Өд мийө сетам карлы нянь и яй,
Тан — олөм кыа некор кустөм,
Тан — колипкай!

Морт сөстөм, мыссьө кор лысваён,
Удж вылө муніг юө ёльысь ва.
Ми гожөм кодьось тані ставён:
Быд сьөлөм — ван.

1966

■ ■ ■

Ичӧт пачын биа песьяс
Ӧта-мӧдсӧ нюлӧны.
Ӧгырӧн кӧ пачыс «несьяс»,—
Локтас гӧстя,— шулӧны.

Но оз «несйив» ичӧт пачӧй.
Войыс ойзӧ турӧбын...
Коді ӧні локтас татчӧ
Менсьым лолӧс бурӧдны?

1966

■ ■ ■

Тулысыс чуксалӧ,
Тулысыс корӧ
Вильмӧдан удж вылӧ йӧзсӧ,
И шондӧ югӧрӧн
Ывласӧ сорӧ,
Турунвиж би киньӧн ӧзтӧ.
Войтырлӧн сӧнъясас
Визъялӧ радлун,
Пӧсвятӧдз коддзӧдӧ уджыс.
Тулысыс тӧдӧ:
Тан дзордзавны садлы,
Шептасьны шобдӧлы, идлы...
Вемӧс да думсӧ код
Удж гезӧн йитлӧ,
Аскиӧ нюмъялиг вуджас.

1969

ШОНДИ ПЕТИГҮН

Лэбач котыр садьмис орчча раскын:
Мыла чолёмасьём кылө сэсь.
Асья кыа мыччис алөй парсө —
Ньөжйөникөн югдө парма весьт.

Нөшта здук, и лэбач сьылөм орис,
Ланьтис весиг серамбана ю.
Сявкнитис сюрс рөмөн Мулөн морөс —
Шондйислысь чолөмалис нюм.

Эзысь зэрөн серөктисны кызьяс,
Шондйискөд окасьө быд кор.
Тадзи век: кор шондй асьсө мыччас,
Качө ськөд олөмыслөн гор.

1966

ЮСЬЯС ЛЭБЌНЫ

Кыа весьтöдыс лэбöны юсьяс,
Мыла сьылöмыс сьöрсьыныс век.
Меным ылыс вой дум вылö усис,
Сöмын юсьяс эз лэбавны сэк.

Ленинград весьтын кельыдлöз войяс.
Кар — окопьясөн вöнясьöм скöнь...
Сымда Му вылас чöжсис сэк дойыс,
Мый и öнöдз на лолам эз лöнь.

Менам друг вöлі раминик мортөн,
Сöстöм думьяса устöм салдат.
«Öнi ытшкöны, — шуыштас, — гортын,
Лöня лымьялö льöм пуа сад,

Лежнöг дзоридзьяс воссьöны юльын...
Ёна ёдiыд кутчысьö.. збыль...»
...Друглысь олöмсö орöдiс пуля, —
Чёрнöй ю дорын öнöдз эм мыльк.

Тшöтшья-дзоридзьяс...
Кымын сэк усис?
Мыйта вöчтöгыс колис буртор?..
...Вояс вомöныс лэбöны юсьяс,
Налөн сьылöмыс мыла да нор.

1967

ПАРМА ЯГЪЯСЫН

Ме мудзлунӧс пестерӧн
Век вайлывла тӱянлы юрнас,
Мед долыдлун пестыны
Да удж вылӧ сьӧлӧм мед ярмас.

И тӱ менсьым босьтанныд
Став мудзӧс:
Ӧд лышкыдныд кустӧм,
Век сывтӧ мен восьтӧмныд.
И тӱянкӧд лӧсьыд...
Да йӧзтӧгыс — мустӧм.

1968

■ ■ ■

Тода: карсаяс рытъясөн озырөсь.
Но а асылыс, асылыс көні?
Юлін кыасө Сыктылысь,
Мозынысь,
Коді визъялө вина моз
сөнын?
Мелі рөмъяс да лэбачлөн
дзолъзёмыс
Лолам йиджтөны сөстөмөс
лача,
А лекарствося
лысвалөн пөльзаыс
Ёна ыджыд,— ме тода —
Ме ола тан ачым!

1968

ТӨВ ЛОКТИС

Чизыр төв ныр
да нильөг Ар
Мыйкө ноксисны войбыд йөрын.
Юртө пасьон көть босът да гарт:
Но, оз узьсьы — и ставыс...
Скөрми!
Бытьё тышкасьом кылө татчөдз,
Бытьё мездысьом...
Петі ывлаас.
Аддза:
Йөрным тырөма эзысьон!

1968

СОНЕТ

Гитара вылө зэвтөмны струная,
А натөг сійө ловтөм скөнъ:
Оз шыась, он кө вөрзёд найөс,
Оз шыась, гөгөр кодыр лөнъ.

Но весиг сэк, кор төлыс кыськө ваяс
Көть өти виччысяна шы,
Мир весьтө сөстөм звөнөн каяс
Гитараяслөн воча кыв:

Мед радлун сійө, либө ловлөн ойыс,
Но лөсялө кө инструментлөн стройыс,—
Век шыасяс, а оз кө — шы оз сет.

Шы выныс серти йөлөгаыс чужө
Да эрдъяс вомөн, парма вомөн вуджө.
Тэ татшөм жө, поэт.

1967

ВЫЛЫСЬ АДДЗЫСЬЛӨМ

Сыктыв кыр йылын кыкөн:

Ме да ас кодь жö ань.

Сьöлөм

морöсöс пыкö,

Діпкö, некыдз оз ланьт.

Кызь во кольöма бөрö,

Кызь во — янсавлөм кост...

Кадыс чужөмсö көрөм,

Важыс некор оз кос.

Ньöжйөн казътывлөм сотчö,

Ньöжйөн визувтö вой...

Со нин томлунным орччөн,

Воссис коркöя дой...

1968

■ ■ ■

Войбыд өшиньö торкөдчис зэр,
Көсйис вичтыны чуймөдан висьтасьом:
Ылі муясті ветліс да, дерт,
Асьö чайтіс зэв писькөсөн.

Орччөн пукаліс мекөд шань ныв,
Миян сёрниным тэчис пось кывъясысь.
Ньөжйөн асылыс паськөдіс сыв..
Сьөлөм сьөлөмкөд сывъясис.

Мед и торкөдө өшиньö зэр,—
Мый нө миянлы висьтасьны көсйөмысь!
Көть и лэдзамө, оз мыйкө кер —
Оз нин мезды лов öзйөмысь!

1968

ЮРИНДАЛЫСЬ

Нюммуніс мен	3
Көн тэ?	4
«Ачымөс ме эг на аддзы»	5
«Зарни бурысьыс шобді мулөн»	6
Море да му	7
«Сьөлөм, сьөлөм, шыбит шогтө»	8
«Видзөда Из вылө»	9
«Бівлаыс лысваён мыссьө»	10
«Лөнь сук раскын гөгрөс ты»	11
Рөдина-мулы	12
Муза	13
Лача	14
«Эг төдлы өнөдз сьөлөм дейөс»	15
Ме бара гортын	16
«Му шебрасис лөз сөстөм войөн»	17
Ар	18
«Пыр өтмоза зэрө и зэрө»	19
Тэ — менам асыв	20
Ыдъясьөм	21
«Лөз енэжыслөн муртавлытөм пыдөс»	22
«Ак, радейтө»	23
Ертлы	24
Нөшта вын эм	25
Выль वोся мойд	26
Пельсы	27
Ми муяс вылө петім	29
Ар пом	30
«Муртса воём миян югыд томлунлы»	31

«Югьд войяса гожомлөн мичлун»	32
Гожся войо	33
Сотысь радейтөм	34
Кузнеч	35
«Овлө: мөвпышттөг бурсиам мийо»	36
«Мир туй бокас век на»	37
Ме мой мыжа?	38
«Сэтшөм здукö, кор ставыс тэд веськодь»	40
«Эн горзы, поэт, эн тэ горзы»	41
«Петалам, пальодчам»	42
Сьолөмөн кывза и зiля	43
Лена	44
Юсьяс	46
Тэ мунiн	47
«Ичөт пачын биа песьяс»	48
«Тулысыс чуксалö»	49
Шондi петигөн	50
Юсьяс лэбöны	51
Парма ягьясын	52
«Тода: карсаяс рытьясөн озырöсь»	53
Төв локтiс	54
Сонет	55
Выльысь аддзысьлөм	56
«Войбыд öшиньö торкөдчис зэр»	57
Юриндалысь	58

Александр Михайлович Мальцев

НЕЖНОСТЬ

Стихотворения

На коми языке

Художник **А. А. Пунегова**

Редактор В. А. Попов.
Худож. редактор М. П. Безносков.
Техн. редактор А. Н. Вишнева.
Корректор А. А. Надуткина.

Сдано в набор 24/II-1969 г. Подписано в печать 22/VII-1969 г.
Формат 60×90¹/₃₂. Печ. л. 2,19, бум. л. 0,93, уч.-изд. л. 1,30.
Заказ № 1311. Ц01238. Тираж 800. Цена 13 коп. Бумага № 1.

* * *

Коми книжное издательство. Сыктывкар, Дом печати.

* * *

г. Сыктывкар, Республиканская типография
Управления по печати при Совете Министров
Коми АССР.



13 кӧп.

КОМИ КНИЖНОЙ ИЗДАТЕЛЬСТВО

1969